

過，答云，我於般若緣分素薄，若不如此，恐為妄習所牽。

被雨不覺

全菴主，為道猛烈，無食息暇，一日倚欄看狗子話，雨來不覺，衣溼方知。

誓不展被

佛燈珣禪師，依佛鑒，隨眾咨請，邈無所入。歎曰：「此生若不徹證，誓不展被。」於是四十九日，只靠露柱立地，如喪考妣，乃得大悟。

擲書不顧

鐵面昂禪師行腳時，離鄉未久，聞受業一夕遺火，悉為煨燼，得書，擲之地曰：「徒亂人意耳。」